



Sjálfsmatsskýrsla
2021

Sandgerðisskóli

Hólmfríður Árnadóttir

1 Inngangur

Sandgerðisskóli hefur starfað við Skólastræti frá árinu 1938 eða í 83 ár. 273 nemendur (vor 2021) stunduðu að jafnaði nám við skólann og eru 62 starfsmenn starfandi við skólann, ýmist í fullu starfi, hlutastarfi eða við stundakennslu. 38 kennarar og einn þroskaþjálfari eru starfandi við skólann þ.á.m. eru stjórnendur og náms- og starfsráðgjafi. 19 aðrir starfsmenn eru starfandi við skólann, ritari, umsjónarmaður, verkefnisstjóri tölvumála, skólaliðar og stuðningsfulltrúar ýmist í heilu starfi eða hlutastarfi. Við skólann er einnig starfrækt Skólasel þar sem nemendur eru í gæslu að skóladegi loknum. Á Skólaseli starfa að jafnaði fjórir starfsmenn. Bókasafn Sandgerðis er rekið í skólahúsnæðinu og veitir skólastjóri því forstöðu, það er opið nemendum, starfsfólki og almenningi á skólatíma. Innangengt er úr skóla í Tónlistarskóla Sandgerðis, bókasafn eins og áður sagði, Skólasel sem og í íþróttamiðstöð og sundlaug sem nemendur hafa aðgang að. Samstarf er víðtækt við Tónlistarskólann og Hjallastefnuleikskólann, Sólborg í Sandgerðishluta Suðurnesjabæjar. Auk þess sem barnakór er rekinn í samvinnu við tónlistarskólann.

2 Skólinn

Skólinn býr við góða aðstöðu, húsnæði er rúmt og viðhald er áættanlegt. Skólalóðin er stór og ákjósanleg til útivistar og leiks og er hún opin jafnt á skólatíma sem utan hans. Í skólastarfinu er áhersla lögð á uppbyggingarstefnuna, Uppeldi til ábyrgðar og nýtingu umhverfisins og nærsamfélagið allt nýtt til kennslu þar sem bæjarstæðið býður upp á margvíslega návist við náttúruna. Skjöldur, eineltisáætlun skólans, sem miðar að jákvæðum samskiptum er nýtt markvisst og í sífelltri endurskoðun. Áætlunin er afar metnaðarfull og sameinar hugmyndafræði Uppbyggingarstefnunnar (e. Restitution), vinnu gegn einelti með jákvæðum samskiptum og áætlun um viðbrögð ef upp kemur samskiptavandi eða grunur vaknar um einelti. Skólinn er heilsueflandi skóli og hafa ákveðin skref í þá átt verið tekin jafnt og þétt á síðustu misserum. Lestrarstefna skólans er afar metnaðarfull og hafa framfarir eldri nemenda verið sérstaklega áberandi síðustu ár. Þá stefnir skólinn á að verða vottaður réttindaskóli Barnasáttmála Sameinuðu þjóðanna næsta skólaár þar sem það tókst ekki í ár sökum COVID-19.

2.1 Stjórnun

Skólastjóri er forstöðumaður og ber ábyrgð á starfi skólans gagnvart bæjarstjórn. Hann stjórnar skólanum ásamt aðstoðarskólastjóra og deildarstjórum og í sameiningu veita þeir skólanum faglega forystu. Tveir deildarstjórar starfa við skólann og stýra faglegu starfi ásamt stjórnendum og mynda þessir fjórir aðilar stjórnunarteymi skólans. Annar deildarstjóranna sinnir þörfum hins almenna nemanda og stýrir faglegu starfi meðal kennara, uppbroti og kennsluráðgjöf ásamt því að vera í stöðu leiðsagnarkennara. Hinn deildarstjórinn hefur umsjón með skipulagningu og framkvæmd sérkennslu og sérúrræða þ.m.t. í samráði við sérkennara og þroskaþjálfara og hefur yfirumsjón með starfsemi garðanna (Ásgarður, Riddaragarður, Þjóðgarður og Mikligarður). Fjórir verkefnastjórar starfa við skólann, verkefnisstjórar læsis (BL og yngsta stig – eldri stig), verkefnisstjóri námsvers nemenda með íslensku sem annað mál (ÍSAT) og verkefnisstjóri stoðþjónustu.

2.2 Hlutverk

Hlutverk Sandgerðisskóla er að hafa faglega forystu og ábyrgð á menntun sex til sextán ára barna í Suðurnesjabæ. Honum er ætlað að stýra og fylgja eftir framsækinni stefnumótun í skólamállum sem er í stöðugri þróun og endurskoðun á ári hverju í takt við skólafund Sandgerðisbæjar (<https://www.sandgerdi.is/skolastefna-sandgerdisbajar/>). Sandgerðisskóli vinnur samkvæmt skýrum markmiðum sem skipt hefur verið upp í fimm flokka; *þjónusta, innra starf, fjármál, mannauður og samfélag*. Þar má finna leiðir til að ná markmiðunum og mælitæki.

Stefnt er að því að nemendur geti notið bernsku sinnar í skólastarfi, eftir hæfileika sína og séu öryggir í öllu námi og starfi á vegum skólans og að allir í skólasamfélaginu kappkosti í sameiningu að stuðla að og viðhalda góðum starfsanda og jákvæðum skólalagum þar sem öryggi, vellíðan, heilbrigði og jákvæð samskipti eru höfð í hávegum. Einnig er markmiðið að stuðla að góðu samstarfi og samráði milli foreldra og skóla um nám nemenda, hegðun og samskipti. Leiðarljós Sandgerðisskóla, bæði í leik og starfi, eru gildin; *vöxtur, virðing, vilji og vinátta*.

Frumábyrgð á uppeldi og menntun hvílir á foreldrum en skólinn, í samstarfi við heimilin, veitir börnum og unglingum einstaklingsmiðaða menntun til að takast á við líf og starf í skóla án aðgreiningar eins og Aðalnámskrá grunnskóla kveður á um (2011). Hlutverk skólans eins og segir í skólanámskrá hans er m.a. að sjá nemendum fyrir formlegri fræðslu og taka þátt í félagslegri mótun þeirra. Í henni er kennsluskrá fyrir hvern bekk auk almennra upplýsinga. Þeir nemendur sem víkja frá almennum markmiðum fyrir hvern árgang vinna eftir einstaklingsnámskrá. Einstaklingsnámskrá er unnin í samvinnu stjórnenda, kennara, sérkennara, þroskaþjálfara og foreldra undir öruggri stjórn deildarstjóra stoðþjónustu.

2.3 Þjónusta

Stefna Sandgerðisskóla er að:

- standast ætíð kröfur og lög um grunnskóla,
- bjóða upp á vandað einstaklingsmiðað nám við hæfi hvers og eins þar sem tekið er tillit til þjóðernis, félagslegrar stöðu og sérþarfa einstaklinga,
- nemendum líði vel og þyki gaman í skólanum,
- virðing sé höfð að leiðarljósi í öllum samskiptum starfsfólks, nemenda og foreldra,
- gott upplýsingaflæði sé milli skóla, heimila og samfélags.

2.4 Innra starf

Stefna Sandgerðisskóla er að:

- unnið sé eftir skólanámskrá sem uppfyllir kröfur laga og aðalnámskrár grunnskóla,
- kennsluáðferðir séu fjölbreyttar og hæfileikar hvers og eins fáir notið sín í námsumhverfi sem er aðlaðandi og hvetjandi,
- gera nemendur sjálfstæða í námi,
- fylgja læsisstefnu skólans,
- vinna samkvæmt hugmyndafræði Uppbyggingar (e. Restitution) þvert á allt skólastarf,
- stuðla að auknum félagsþroska nemenda og rækta með þeim mannúð og virðingu fyrir sjálfum sér og umhverfi sínu,
- skipulag nýbúafræðslu og stoðþjónustu sé gott og aðgengilegt þeim sem að því koma,
- námsárangur sé viðunandi og í samræmi við þrepamarkmiðum *aðalnámskrár grunnskóla*,
- þátttaka foreldra sé öflug, víðtæk og markviss,
- sjálfsmat sé hluti af starfi skólans,
- verkferlar og vinnubrögð séu skýr,
- verkaskipting stjórnenda og annarra starfsmanna sé skýr og öllum ljós,
- búnaður og aðstaða sé eins og best verður á kosið,
- halda áfram góðu samstarfi við leikskólann Sólborg þar sem unnið hefur verið að verkefninu „*Brúum bilið*“,
- efla samstarf við framhaldsskóla,
- efla samstarf við Tónlistarskóla Sandgerðis,
- agamál og líðan nemenda séu í góðum farvegi,
- ná að vinna eftir markmiðum nýrrar Fræðslu- og frístundastefnu Suðurnesjabæjar 2021 - 2025.

2.5 Fjármál

Stefna Sandgerðisskóla er að:

- skólinn hafi á hverjum tíma úr nægu fjármagni að spila til að sinna hlutverki sínu af þeim krafti sem hann ætlar sér,
- rekstur sé sem hagkvæmastur og í samræmi við fjárhagsáætlun.

2.6 Mannauður

Stefna Sandgerðisskóla er að:

- hafa ætíð vel menntað og hæft starfsfólk að störfum,
- starfsmenn taki þátt í mótun skólastarfsins og stefnu skólans,
- móta gott og hvetjandi starfsumhverfi þannig að öllum líði vel í starfi,
- hæfileikar hvers og eins fái að njóta sín í hvetjandi og uppbyggilegu starfsumhverfi,
- móta sér eigin endurmenntunaráætlun út frá stefnu skólans og þörfum,
- allir starfsmenn hafi aðgang að endurmenntun við hæfi,
- allir kennarar móti sér áætlun um endurmenntun í samræmi við stefnu skólans,
- allir starfsmenn séu meðvitaðir um hlutverk sitt og ábyrgð í skólastarfinu,
- skapa stöðugleika í starfsmannahaldi,
- standa vörð um jafnan rétt kynjanna,
- allir starfsmenn taki þátt í aðgerðaráætlun gegn einelti, að Skjöldur sé virkur.

2.7 Samfélag

Stefna Sandgerðisskóla er að:

- stuðla að samstarfi við grenndarsamfélagið,
- stuðla að jákvæðri ímynd skólans og menntunar,
- vera lifandi miðstöð í bæjarfélaginu þar sem allir eru velkomnir,
- vera öllum opinn og í góðum tengslum við nánasta umhverfi, náttúru, menningu og atvinnulíf,
- skólastarfið sé ekki bundið innan veggja skólans og skólahúsnaðið standi annarri uppbyggilegri starfsemi til boða sem stuðlar að velferð samborgara og auki hag samfélagsins.

2.8 Sjálfsmatsviðmið

Við árlega endurskoðun starfsáætlunar fyrir Sandgerðisskóla og áætlunar um úrbætur er unnið út frá útkomu úr fyrra sjálfsmati. Þá er gerð áætlun um úrbætur og viðhald fyrri styrkleika. Þannig eru sett viðmið um stöðugan vöxt og árangur í skólastarfinu. Þá er horft sérstaklega til hvers þáttar: þjónustu, innra starfs, fjármála, mannauðs og samfélags.

3 Markmið og tilgangur matsins

Í lögum um grunnskóla nr. 66/1995 eru ákvæði þess efnis að sérhver skóli skuli innleiða aðferðir til að meta skólastarfið, þar á meðal kennslu- og stjórnunarhætti, samskipti innan skólans og tengsl við aðila utan skólans.

Sandgerðisskóli hefur frá haustinu 2007 unnið markvisst að umbótum með sjálfsmati.

Í starfsáætlun skólans og skólanámskrá er stefnu Sandgerðisskóla gerð skil. Hlutverk sjálfsmatsins er að kanna hvort skólinn sé að ná þeim markmiðum sem þar eru sett fram og segja frá þeim úrbótum sem gera þarf til að markmið náist og leiðir til að viðhalda jákvæðum árangri.

3.1 Staða sjálfsmats að vori 2021

Sandgerðisskóla hefur á undanförunum 14 árum innleitt sjálfsmat og þar með eflt innra mat skólans verulega. Kannanir Skólapúlsins eru lagðar fyrir nemendur, foreldra og kennara, allir starfsmenn taka þátt í starfsmannakönnun sem lögð er til grundvallar starfsmannasamtala. Auk þess voru lögð fyrir samræmd próf og tekur skólinn þátt í stórum rannsóknum á gengi og árangri nemenda m.a. rannsóknum *Rannsóknna* og *greiningar* og PISA. Til viðbótar þessara stöðluðu kannana hafa reglulega farið fram viðtöl við starfsmenn, foreldra og nemendur.

Kannanir Skólapúlsins hafa myndað langstærstan hluta gagnagrunnsins sem innra matið byggir á, frá ári til árs. En auk þess er notast við formleg próf og annað námsmat, nemendasamtöl, foreldrafundi, starfsmannafundi, starfsmannasamtöl, rannsóknir sem skólinn tekur þátt í, ábendingar og fleira sem að gagna kemur. Samkvæmt Skildi, áætlun skólans gegn einelti, er tengslakönnun gerð árlega sem unnið er markvisst úr.

Upplýsinga hefur verið aflað, unnið hefur verið markvisst að úrbótum, skýrslugerð hefur verið sinnt og formlegar kynningar hafa farið fram ásamt úrbótum á árangursmati. Þá er ný Fræðslu- og frístundastefna Suðurnesjabæjar að líta dagsins ljós á vordögum.

3.2 Verkefni og mælikvarðar

Í Sandgerðisskóla er unnið að ýmsum verkefnum sem eru í stöðugri endurskoðun. Hér er átt við vinnu er tengist öllu starfsumhverfinu, vinnu starfsfólks skólans sem og nemenda.

Innan veggja skólans ríkir mikill vilji til að gera vel. Metnaður hefur verið lagður í að byggja upp vettvang til að meta vinnu og starfshætti starfsfólks. Kannanir hafa verið gerðar á meðal starfsfólks, hvað varðar aðbúnað, ráðstöfun auðlinda, þróunarstarf og unnið hefur verið að því að auka ytri tengsl við samfélagið. Kapp hefur einnig verið lagt á að ná fram sem bestum upplýsingum frá nemendum og er það gert t.d. með því að skoða niðurstöður kannana og miða þær við markmiðssetningu haustsins, svo og niðurstöður almenns mats og samræmdra prófa á ári hverju, nemendasamtala, tengslakannanna og niðurstöður Skólapúls.

Kynningar á niðurstöðum hafa verið bættar þó enn megi gera betur. Starfsfólk hefur fengið góðar kynningar og hefur greiðan aðgang að öllum niðurstöðum formlegra kannana. Þegar að úrbótastarfi og markmiðasetningu kemur er þessi vitneskja hins almenna starfsmanns afar mikilvæg og það að vera vel upplýstir um stöðu mála eigi hópnum á að takast að ganga í takt og nám þeim markmiðum sem sett eru.

Mikil vinna var lögð í innleiðingu markmiðasetningar s.b. hæfniviðmið og námsmat. Þessi vinna og markmið hafa verið í stöðugri endurskoðun í takt við áherslur í samfélagi og með einstaklingsmiðun og ólíkar þarfir nemenda að leiðarljósi. Þá hafa matsviðmið verið skoðuð og teknir upp nýir einkunnakvarðar á unglingsstigi í samræmi við aðalnámskrá. Umhverfið þarf að bjóða upp á sjálfsrýni, stöðuga endurskoðun og eflingu mannaúts. Kjarasamningar kennara styðja við þessa vinnu þar sem aukið rými gefst til þróunarvinnu og uppbyggingar faglegra þátta skólastarfsins.

3.3 Matsáætlun

Rammi fyrir matsáætlun – 2018 - 2021 byggt á fyrri matsmarkmiðum.

Til að halda samanburði milli ára eru sömu kannanir lagðar fyrir en einstaka þáttur skoðaður sérstaklega eins og áætlunin gefur til kynna. Auka kannanir eru svo settar inn þar sem það á við.

Viðfangsefni sjálfsmats	2017-2018	2018-2019	2019-2020	2020-2021
Námskrá – skipulag, stefna og markmið		x		x
Nám – námsmat – námsárangur	x			x
Líðan nemenda, þarfir, starfsandi		X	x	
Kennsla, starfþróun og fagmennska	x		x	

Líðan starfsfólks – starfsandi, samstarf	x	x		
Stjórnun	x			
Viðmót og menning skóla		x		
Aðbúnaður				
Samstarf heimila og skóla		x		x
Ytri tengsl - samfélag	x			
Ráðstöfun auðlinda		x		
Þróunarstarf – einstök verkefni				x
Framtíðarsýn 2016-2020	x		x	

4 Aðferðir, framkvæmd og niðurstöður sjálfsmats

4.1 Rannsóknaraðferðir og þátttakendur

Rannsóknaraðferðir við sjálfsmat Sandgerðisskóla eru margþættar. Kannanir eru bæði framkvæmdar innan skólans sem og af viðurkenndum fagaðilum sem við eigum í samstarfi við líkt og Skólapúlsinn. Haldnir eru fundir, starfsmannaviðtöl fara fram sem og foreldrafundir, foreldrar koma í heimsókn og sækja foreldrasamveru, árangur nemenda er metinn með formlegum prófum og með öðru fjölbreyttu námsmati m.a. sjálfsmati nemenda. Ritaðar eru fundargerðir á formlegum fundum, skólanámskrá er endurskoðuð og gefin út samkvæmt lögum á hverju hausti, starfsáætlun er endurskoðuð og gefin út ár hvert lögum samkvæmt í takt við vinnu að fjárhagsáætlun. Samvinna er við teymi, sérfræðinga og fræðsluskrifstofu Suðurnesjabæjar ásamt samstarfi við Hjallastefnu-leikskólann Sólborg. Nánar er fjallað um framkvæmd matsins, útgáfu og kynningar á mati í tímasettri áætlun (sjá töflu).

4.2 Helstu niðurstöður

Helstu niðurstöður sjálfsmats 2020-2021

Skólapúlsinn

Enn þarf að huga að ánægju af lestri, sérstaklega yndislesturs eldri nemenda, vinna að bættum árangri með því að efla sjálfsálit, gera þrautseigju hátt undir höfði, bæta samskipti milli nemenda með áherslu á jákvæðan skólabrag og lýðræði. Nemendur verða að öðlast frekari trú á sjálfa sig og eigin getu. Viðhalda þarf jákvæðni gagnvart náttúrufræði á unglingastigi.

Skoða þarf áfram námsárangur nemenda í Sandgerðisskóla, úrvinnslu námsmats, metnað nemenda og hegðun og aga. Mikla vinnu þarf að leggja í námsmat m.a. út frá áherslum nýrrar Aðalnámskrár og hefur nú þegar töluverð vinna við það farið fram. Samhliða innleiðingu nýs námsmats þarf að gera matið meira leiðbeinandi og fjölþættara. Huga þarf að mannaði og tryggja að hver og einn fái að njóta sín sem best í starfi þannig að vinna og kraftur hvers og eins nýtist sem best fyrir alla aðila.

Virkja þarf enn frekar samstarf milli heimilis og skóla, nýta bekkjarfulltrúa, áhugasama og meðvitaða foreldra og þann mátt sem býr í öflugum hópi forráðamanna.

Bæta þarf líðan og huga að skólabrag með fjölbreyttum kennsluháttum og vinna markvisst að því að auka vægi gleði og sköpunar í skólasamfélaginu.

Rík áhersla hefur verið á skýr og markviss vinnubrögð í lestri, stærðfræði auk skimanna og skýrra vinnubragða við úrvinnslu og undirbúning samræmdra prófa. Vinnan hefur skilað árangri í lestri og meðal starfsfólks í skýrum og sameiginlegum markmiðum um árangur og vellíðan.

Áherslur Mennamálaráðuneytisins og breytingar á námskrá og námsmati hafa umtalsverð áhrif á starfið sem og aukna vinnu kennara utan kennslustunda.

Helstu verkefni fyrir komandi skólaár

- Áframhaldandi áhersla á gleði, sköpun og fjölbreytni í kennsluháttum.
- Halda áfram að innleiða Byrjendalæsi, enn eru kennarar að hefja fyrsta ár og einhverjir á öðru ári. Mikilvægt að halda þessu vel heppnaða og skemmtilega verkefni við.
- Halda áfram að vinna að aukinni upplýsingatæknikennsla með forritun og verkfræði ívafi.
- Efla enn frekar nýju heimasíðuna með fréttum úr daglegu starfi.
- Opnari skóli, auknar fréttir og upplýsingar um starf innan veggja skólans til samfélagsins.
- Vinna áfram með nýtt námsmatskerfi.

- Efla enn frekar stoðþjónustu fyrir nemendur með sérþarfir, er orðið öflugt kerfi sem enn er þó í mótun.
- Aukin áhersla á list- og verkgreinar ásamt almennri sköpun, samþætt við annað nám.
- Efla enn frekar Verkval á miðstigi og bæta við verkvali á yngsta stigi.

Gagnaöflun, skráning og úrvinnsla

Allt starfsfólk gekkst undir könnun Skólapúlsins og auki svarar allt starfsfólk spurningum um starfið og líðan og stuðning á vinnustað fyrir starfsmannasamtöl að vori.

Þá svarar úrtak nemenda í skólanum spurningalista á netinu. Spurningalista Skólapúlsins fyrir nemendur er skipt í fjóra flokka; *Virkni nemenda í skólanum, Líðan nemenda, Skóla- og bekkjarandi, Opnar spurningar*. Valið á flokkunum og spurningunum sem í þeim eru byggir að mestu á rannsóknum á íslenskum PISA gögnum og kvörðum frá Námsmatsstofnun og HBSC (Health Behaviour in School-Aged Children) rannsókninni sem var samstarfsverkefni Háskólans á Akureyri og Lýðheilsustöðvar. Umsjónarmenn og ráðgjafar eru Kristján Ketill Stefánsson og Almar Halldórsson.

Tilgangur og markmið

Könnun á virkni, líðan og afstöðu nemenda, foreldra og starfsmanna til skólastarfs í Sandgerðisskóla er liður í sjálfsmati skólans. Sjálfsmatið miðar að raunhæfu mati sem hægt er að byggja áætlanir um úrbætur á og taka ákvarðanir er varða framtíð skólastarfsins á grundvelli þess.

Heildar niðurstöður lágu fyrir á vordögum 2020 í formi tölfræðilegra upplýsinga sem settar voru upp í myndrit. Þar kom fram samanburður milli skólans í heild og landsins annars vegar, fyrir mælingar skólaársins sem og samanburður við fyrri ár sem og samanburður milli kynja annarsvegar og árganga hins vegar fyrir nýliðið ár.

- Skerpa á vinnu er varðar hópefli og sjálfstraust nemenda, efla félagsfærni og þrautseigju.
- Vinna enn frekar og markvissar í Uppbyggingarstefnunni.
- Halda áfram aukinni og góðri samvinnu við félagsþjónustu og leggja áherslu á að hægt sé að veita ráðgjöf og bregðast við ástandi áður en mál eru komin í óefni.

Við höfum nú nokkuð góðan samanburð milli ára þar sem skólinn hefur nýtt sér Skólapúlsinn frá skólaárinu 2008-2009. Niðurstöður fyrir úrtakið eru birtar á vefsvæði skólastjóra þegar 80% svörun í úrtaki er náð.

Almennt – allir starfsmenn Sandgerðisskóla

Samkvæmt niðurstöðum Skólapúlsins og starfsmannasamtala jókst álag á starfsfólk milli ára þó enn sé marktækt minna álag hér en í samanburðarskólum. Í raun eru niðurstöður nánast óbreyttar frá fyrra ári, hlutverk eru skýr og jákvæðar áskoranir í starfi. Þá telur starfsfólk sig leikið í starfi og skuldbundið vinnustaðnum. Þá er skörun vinnu og einkalífs marktækt minni í Sandgerðisskóla en meðaltal á landsvísi segir til um. Starfsandi hefur aukist og stuðningur frá samstarfsfólki og við nýsköpun er marktækt yfir meðaltali og megum við vel við una. Þá hefur dregið úr mismunun og einelti og við marktækt undir landsmeðaltali. Hvað varðar stjórnun skólans þá telur starfsfólk forystu skólans sanngjarna og valdeflandi, ræktun mannaúðs einnig en stuðningur frá næsta yfirmanni hefur dalað örlítið þó allir liðir séu marktækt yfir landsmeðaltali. Hvað varðar kennara þá er ánægja með kennarastarfið langt yfir landsmeðaltali og hefur aukist milli ára og telja kennarar sig hafa dregið úr námsmati með prófum, að þeir undirbúi kennslu meira í skólanum en áður og að upplýsingamiðlun milli heimilis og skóla hafi aukist. Það sem betur mátti fara í fyrra var einstaklingsmiðuð kennsla og gaman að sjá þann þátt hafa tekið miklum breytingum og aukist um 25% sem er fagnaðrefni og um leið hefur dregið úr námsmati í formi prófa þó enn megi efla námsmat á öðru formi því þar erum við undir landsmeðaltali. Þá

hefur trú kennara á eigin getu aukist örlítið en samt sem áður vert að huga að því í starfi næsta vetrar.

Starfsmannasamtöl

Niðurstöður starfsmannasamtala er sambærileg en þar segja starfsmenn sig ánægða eða mjög ánægða með aðbúnað og vinnuaðstöðu. Þeir eru ánægðir með starfsanda og samskipti við nemendur og samstarfsfólk. Starfsánægja mælist mjög há meðal starfsfólks skólans samkvæmt starfsmannasamtölum. Mikilvægt er að viðhalda góðu upplýsingaflæði og er starfsfólk að mestu ánæggt með minni fundarsetu og mælist vikupistillinn vel.

Síðasti Skólapúls - áhyggjuefni

Halda þarf áfram að efla hópavinnu og fjölbreytta verkefnavinnu. Kennarar svöruðu því til að þeir noti stundum fjölbreyttar hópaskiptingar en einstaklingsvinna er enn mikil um líkt og síðustu ár og ekki hefur dregið jafn mikið úr þessum lið og við vildum. Segja kennarar nemendur enn oftast vinna sjálfstætt eftir markmiðum sem þeim séu sett fyrir og stundum/sjaldan eftir eigin markmiðum. Þessar niðurstöður eru á skjön við markmið Aðalnámskrár sem kveður á um einstaklingsmiðað nám/námsaðlögun og fjölbreyttar kennsluáðferðir með mismunandi fyrirkomulagi (hópaskiptingar og hópavinnu sem dæmi).

Huga þarf áfram að fjölbreyttari matsleiðum og þörfum nemenda þegar kemur að námi og kennsluáðferðum kennara. Mikil vinna var lögð í vinnu og mat út frá hæfniviðmiðum Aðalnámskrár vorið 2016 og hefði mátt ætla að sú vinna skilaði sér í formi fjölbreyttara námsmats en það virðist ganga hægt. Mikilvægt er að skoða þetta áfram og bera saman við næstu könnun á vordögum 2022.

Starfsumhverfi kennara – kennarar – hafa í huga áfram

Kennarar í Sandgerðisskóla skora marktækt vel yfir landsmeðaltali þegar kemur að hvoru tveggja stuðningi við kennara vegna nemenda með

námserfiðleika og vegna hegðunarörðugleika nemenda og er meðal þess hæsta á landinu þó matið hafi aðeins lækkað milli ára. Þá þykir kennurum þeir fá faglega stuðning frá skólastjóra (aukning milli ára um 0,2 stig), samráði hefur aukist en samvinnu um kennslu dregst saman sem nemur 0,8 stigum og er það áhyggjuefni sem gæti skrifað á Covid-19 en þetta er sambærileg þróun og í fyrra sem skrifað var á frjálsa viðveru og því mjög mikill samdráttur og eitthvað sem huga þarf að næsta vetur. Þá þykir kennurum eigin vinnuaðstaða góð og eru þar vel yfir landsmeðaltali. Kennurum skólans finnst þeir fá hæfilegt mat og endurgjöf frá stjórnendum og gætir sanngirni og gagnsemi í mat og endurgjöf. Kennarar virðast ekki fá endurmenntunarþörf sinni fullnægt, og hefur hlutfall kennara sem hefði viljað meiri símenntun undanfarna 12 mánuði aukist um 14,5% Þrátt fyrir að meirihluti kennara sé ýmist að ná sér í kennsluréttindi eða í viðbótarnámi og er þetta umhugsunarvert. Síðasta vetur var þónokkuð um námskeið og skipulagsbreytingar til að mæta þessu og má nefna:

- Sérstakir fundir stjórnenda með árgangateymum til að sinna kennsluráðgjöf.
- Námskeiðið Verkfærakistan frá KVAN – til að bæta bekkjarbrag og sinna forvörnum í einelti.
- Starfsmaður sinnti ráðgjöf í upplýsinga- og samskiptatækni sem nýtist í kennslu.
- Stuðningur stoðteymis við umsjónarkennara vegna kennslu nemenda með sérþarfir eða sérstakan stuðning.
- Aukning við stöðugildi vegna kennslu barna með íslensku sem annað mál og farið af stað með stuðning við kennslu í fjölmenningarumhverfi.
- Aukin ráðgjöf til nemenda.

4.3 Skólapúlsinn – foreldrakönnun

Svarhlutfall 87,5%

Nám og kennsla

Ánægja foreldra með nám og kennslu í skólanum mælist 5,6 miðað við 5,1 á landinu sem er jákvætt marktækur munur þó örlítil lækkun sé milli ára. Foreldrar telja almennt að námslegum þörfum nemenda er mætt. Þá eru 95,8%% foreldra ánægðir með stjórnun skólans. Einnig finnst foreldrum námsefni hæfilega þungt (83,5% segja svo vera) og hið sama má segja um aga sem þeim þykir hæfilegur (76,3%) og eru báðir þessir nánast á pari við landsmeðaltal.

Velferð nemenda

Ánægja foreldra með hve vel skólinn mætir þörfum nemenda í Sandgerðisskóla er 85,5% og hefur dalað töluvert milli ára (úr 94,7%). Hvað varðar líðan nemenda og einelti þá telja 92,2% foreldra börnum sínum líða vel í skólanum, sem er örlítið lægra en því í fyrra, 90,3% foreldra segja barninu sínu líða vel í kennslustundum sem er þó undir landsmeðaltali og 91,8% þeirra telja líðan nemenda í frímínútum góða sem dalar aðeins milli ára. Þá hefur ánægja foreldra er varðar samskipti starfsfólks haldist milli ára sem er afar gott. Umfang eineltis er að mati foreldra 12,5% sem er töluverð hækkun milli ára (frá 4,4%) og eitthvað sem taka þarf strax á. Ánægja foreldra með eineltisáætlun og viðbrögð skólans við einelti og samskiptavanda er mikil og vel yfir landsmeðaltali sem verður að teljast afar gott og er mat foreldra að meðaltími eineltis sé 1,0 stig sem er -0,4 stig marktækt undir landsmeðaltali en ánægjulegt að sjá að á landinu öllu lækkar meðaltími eineltis.

Aðstaða og þjónusta

Foreldrar skólans eru ánægðir með þá aðstöðu sem nemendur hafa í skólanum, þeir eru ánægðir með tómsundabjónustu/frístundaheimili og 74,7% eru ánægðir með máltíðir mötuneytis sem er lækkun milli ára og hefur verið svo undanfarin ár en notkun á mötuneyti hækkar þó líttilega upp í 91,3% milli ára.

Foreldrasamstarf

Flestir þættir þessa liðs hafa dalað milli ára þó þeir séu sumir séu jákvætt hærrí en landsmeðaltal segir til um. Að þessu þarf að huga vel nú í kjölfar Covid-19 þar sem foreldrar hafa lítið mátt koma inn í skólann og lítið svigrúm hefur verið fyrir starfsfólk skóla að bæta úr þessu.

Heimastuðningur

Foreldra telja þennan þátt góðan og mælast flestir liðir marktækt yfir landsmeðaltali þó enn dali væntingar foreldra um háskólanám barna sinn en að sama skapi aukast væntingar þeirra um iðnnám.

4.4 Skólapúlsinn - nemendakönnun

Svarhlutfall 92,5%.

Eldri þátttakendur

Úrtak nemenda úr 6. – 10. bekk gengst undir könnun á rafrænu formi í þrígang á skólaárinu. Í september, febrúar og maí. Fjöldi nemenda í hverju úrtaki er jafn úr árgöngum og eftir kyni. Þannig er reynt að tryggja að niðurstöður fyrir hvert úrtak komi frá breiðum hópi nemenda í skólanum og að þær endurspegli stöðu og skoðanir nemenda í öllum bekkjum og fyrir bæði drengi og stúlkur.

Virgni nemenda í skólanum

Ánægja af náttúrufræði dalar örlítið milli ára. Líkt og á síðasta ári eru áhyggjur er varða vissa matsþætti sem þó hafa farið upp á við en eru enn undir landsmeðaltali. Ánægja af lestri hefur dalað um -0,4 stig milli ára hér í skólanum, þrautseigja í námi einnig um -0,1 og er nú -0,8 stig marktækt undir landsmeðaltali og aðgerða þörf. Áhugi á stærðfræði stendur í stað milli ára sem og áhugi á náttúrufræði. Þegar kemur að trú á eigin vinnubrögðum í námi og trú á eigin námsgetu má sjá að sjálfstraust varðandi nám og sjálfstæði er ábótavant og þarf að bregðast við þessum niðurstöðum með markvissum hætti.

Líðan og heilsa

Þegar kemur að sjálfsáliti og vellíðan lækkar stuðull skólans milli ára sem er miður þar sem markmið starfsfólks síðasta árs var að auka vellíðan nemenda vegna slakrar niðurstöðu síðustu ára. Hvað varðar einelti raðast Sandgerðisskóli aðeins yfir landsmeðaltal en hefur tíðni aukist milli ára þrátt fyrir að hafa dregist saman síðustu ár. Tíðni eineltis hefur einnig aukist milli ára og er marktækt yfir landsmeðaltali. Þeir staðir sem nemendur segja einelti eiga sér stað er í samræmi við íslenskar og erlendar rannsóknir og ber þar hæst; í frímínútum á skólalóð (28%) og annars staðar (40%). Allt eru þetta þættir sem þarf að rýna betur í og vinna með.

Skóla- og bekkjarandi

Í þessum þætti svara nemendur í skólanum svo til að samband nemenda við kennara hafi aukist sem og virk þátttaka nemenda í tímum og tíðni leiðsagnarmats. Hvað varðar aga í tímum er örlítil lækkun milli ára og samsömun við nemendahópinn hefur líttillega aukist þó enn séum við marktækt undir landsmeðaltali og þurfum að halda áfram þeirri vinnu sem nú er í gangi í samstarfi við KVAN.

Svarhlutfall 95,2%

Yngri þátttakendur - læsi

Nemendur í 1.-5. bekk tóku í þriðja sinn þátt í könnun Skólapúlsins á vorönn. Niðurstaða allra árganga var örlítið neikvæðari en í fyrra hvað varðar alla þrjá liðina; ánægja af lestri, ánægja með skólann og vellíðan í skólanum. Þessa þætti þarf að rýna í með kennurum og finna leið til úrbóta.

Matsþættir ↑↓	Niðurstaða	N	Breyting	Landið	N	Mismunur
1.1. Ánægja af lestri 1.b	5,1	19	0,0	5,5	1.263	-0,4
1.2. Ánægja af lestri 2.b	4,5	32	-0,5	5,3	1.192	-0,8*
1.3. Ánægja af lestri 3.b	5,7	21	1,1	5,0	1.293	0,7*
1.4. Ánægja af lestri 4.b	4,2	19	-0,8	4,4	1.325	-0,2
1.5. Ánægja af lestri 5.b	3,8	31	-0,4	3,8	1.380	0,0
1.6. Ánægja af lestri 1.-5.b	4,6	122	-0,2	4,8	6.509	-0,2

Matsþættir ↑↓	Niðurstaða	N	Breyting	Landið	N	Mismunur
2.1. Ánægja með skólann 1.b	5,1	18	-0,4	5,6	1.260	-0,5
2.2. Ánægja með skólann 2.b	5,6	32	0,1	5,3	1.190	0,3
2.3. Ánægja með skólann 3.b	5,6	21	1,2	5,1	1.289	0,5
2.4. Ánægja með skólann 4.b	5,3	19	0,6	4,6	1.323	0,7
2.5. Ánægja með skólann 5.b	4,2	31	-0,6	4,4	1.381	-0,2
2.6. Ánægja með skólann 1.-5.b	5,1	121	0,1	5,0	6.499	0,1

Matsþættir ↑↓	Niðurstaða	N	Breyting	Landið	N	Mismunur
3.1. Vellíðan í skólanum 1.b	4,5	18	-0,8	5,3	1.257	-0,8
3.2. Vellíðan í skólanum 2.b	5,9	32	0,7	5,3	1.188	0,6*
3.3. Vellíðan í skólanum 3.b	5,0	21	1,5	5,1	1.290	-0,1
3.4. Vellíðan í skólanum 4.b	4,6	19	-0,3	5,0	1.322	-0,4
3.5. Vellíðan í skólanum 5.b	4,7	31	-0,2	4,7	1.381	0,0
3.6. Vellíðan í skólanum 1.-5.b	5,0	121	0,2	5,1	6.494	-0,1

4.5 Önnur gögn

Annað mat sem skólinn tekur þátt í en ræður ekki framkvæmd nema að litlu leyti en nýtir sér niðurstöður ásamt öðrum gögnum sem skólanum berast.

- Rannsókn og greining, könnun meðal eldri nemenda

- Samband sveitarfélaga - mat á skólastarfi
- PISA
- Samræmd könnunarpróf í 4, 7. og 9. bekk
- Læsi – lesskilningspróf fyrir 1. og 2. bekk (MSHA)
- Orðarún og Lesfimi – lestrar og lesskilningspróf (MMS)
- Aðrar kannanir og mat sem Sandgerðisskóli er aðili, beinn- eða óbeinn þátttakandi í.

4.5.1 Ýmsar kannanir

Til annarra gagna sem nýtast við sjálfsmatið teljast meðal annars; Starfsáætlun Sandgerðisskóla, Skólanámskrá Sandgerðisskóla, fjárhagsáætlun Sandgerðisskóla, fundargerðir formlegra funda, samantekt foreldrafunda, samantekt starfsmannaviðtala, samantekt stjórnendaviðtala við kennara, skýrslur þróunarteyma s.s. lestrarteymis, stýrihóps Skjaldar, áætlunar gegn einelti, útkoma úr viðtæku námsmati nemenda þ.m.t. niðurstöður samræmdra könnunarprófa, vorskýrslur vegna sérkennslu, vororð kennara, skýrsla um starfsmannahald, fundargerðir skólaráðs Sandgerðisskóla, viðburðaskráning á vefsíðu skólans. Breyting var gerð á fyrirkomulagi starfsmannaviðtala fyrir nokkrum árum og er skráning og undirbúningur fyrir samtöl rafrænn, sem eykur skilvirkni, skráningu og úrvinnslu viðtalanna.

4.3.1 Niðurstöður fleiri þátta

Þeir nemendur sem þurfa séraðstoð í námi og víkja frá markmiðum bekkjarnámskrár fylgja einstaklingsnámskrá sem umsjónarkennari, deildarstjóri og aðilar stoðþjónustu vinna í samvinnu við foreldra og nemendur sjálfa. Foreldrar samþykkja svo með undirskrift sinni. Í skólalok að vori vinnur kennari ásamt sérkennara vorskýrslu þar sem markmið einstaklingsnámskrárinnar eru metin sérstaklega.

Foreldrasamvera er á haustdögum, samskiptadagar eru tvisvar sinnum á skólaárinu. Sendur er út listi með spurningum og efni til íhugunar fyrir viðtalið. Efni blaðsins síðan rætt í samtali foreldra, nemanda og umsjónarkennara sem tekur niður athugasemdir og niðurstöður fundarins til nánari vinnslu. Reglulega

eru foreldrar hvattir til að koma í skólann og heimsækja börn sín og taka þátt í starfinu.

Stuðst er við mentor.is samskiptatæki á veraldarvefnum sem gerir samskipti innan skóla skilvirkari og upplýsingagjöf til foreldra, sveitarfélaga og annarra hagsmunaaðila öflugri. Rík áhersla er lögð á að foreldrar nýti sér það einnig til upplýsinga um stöðu barns síns í námi og líðan þess. Þar er skráð í dagbækur hvers nemanda fyrir sig allt það sem markvert telst og upplýsingar sem nauðsynlegt er að halda utan um. Þar skrá kennarar inn mætingar hvers og eins nemanda daglega. Færst hefur í aukana að kennarar nýti sér einnig samskipti í gegnum Facebook, þá sérstaklega varðandi tilbreytingu og almennar fréttir til nemenda- og foreldrahóps. Deildarstjóri í samvinnu við aðstoðarskólalæra fylgist með mætingum hvers og eins og bregst við lækkaðri mætingareinkunn líkt og sjá má í skólanámskrá.

Ný heimasíða var tekin í notkun árið 2020 og er mikil áncægja með hana. Henni er ætlað að vera lifandi og í stöðugri þróun þannig að hún standist m.a. auknar kröfur um nýtingu snjalltækja. Heimasíðan er vistuð á slóðinni: www.sandgerdisskoli.is. Þar má afla allra almennra upplýsinga um starfsemi skólans og starfsfólk hans.

Virtk upplýsingaflæði er innan skólans. Notast er við Teams og Sway pistlaformið og vikupistill sendur á allt starfsfólk með tölvupósti og pistil og upplýsingar á starfsmannasíðu Facebook.

Upplýsingaskjór er á kaffistofu þar sem upplýsingar og fundargerðir eru birtar og aðrar upplýsingar er varða starfið. Starfsmannafundur er 4 yfir veturinn og kennarafundur 2-3. Árgangafundur einu sinni í mánuði sem og sérfræðingateymisfundir en auk þess er fundað mánaðarlega með stuðningsfulltrúum og skólaliðum. Reynt hefur verið að gera fundi skilvirkari og hafa málefni þannig að þeir sem málið varðar séu boðaðir til funda aðrir ekki.

5 Samantekt og umbótaáætlun

Áætlun um næstu skref

Á haustdögum, skólaárið 2021-2022 verður gefin út starfsáætlun/framkvæmdaáætlun með fjárhagsáætlun fyrir árið 2022 og skýrsla um sjálfsmat skólans fyrir skólaárið 2020-2021 kynnt samfara. Þar fara saman upplýsingar og áætlanir um úrbætur og leiðir að áframhaldandi eða nýjum markmiðum sem samræmast sjálfsmati skólans. Mikilvægt er að kynna sér þessar tvær áætlanir samhliða.

5.1 Matsniðurstöður

Markmið og leiðir til viðhalds jákvæðra atriða og úrbóta varðandi neikvæðar niðurstöður.

5.1.1 Styrkleikar

Þáttur	Mælikvarði	2020-21	Markmið	Aðgerðir 2021-2022
Áncægja foreldra með hvernig skólinn mætir þörfum nemenda.	Skólapúls. Foreldrakönnun. Samtöl við foreldra, upplýsingar af teymisfundum.	Foreldrar í Sandgerði eru áncægðir með hvernig skólinn mætir þörfum nemenda. Þeir telja námsefni hæfilega þungt.	Öflugt einstaklingsmiðað skólastarf og fjölbreyttir kennsluhættir. Viðhalda áncægju.	Halda uppi öflugtu, fjölþættu, einstaklingsmiðuðu skólastarfi. Viðhafa góð samskipti og virkt upplýsingaflæði.
Foreldrar eru virkir í námi barna sinna.	Skólapúls. Foreldrakönnun.	Foreldrar segjast virkir í námi barna sinni.	Gefa foreldrum tækifæri til að kynna sér námið sem fram fer í skólanum og eiga í góðu sambandi við skólann.	Samvinna sem einkennist af virðingu og trausti og lýðræði sé virk. Hafa skólann opinn og hvetja forráðamenn til þátttöku eins oft og hægt er.

Skólabragur og jákvæð samskipti.	Skólapúlsinn – Foreldra- og starfsmannakönnun.	Í opnum svörum foreldra kemur fram mikil ánægja með stjórnendur, starfsfólk almennt og vinnu gegn einelti. Starfsfólk lýsir enn á ný yfir ánægju sinni með vinnustaðinn og stuðulinn hækkar áfram milli ára.	Að allir í skólasamfélaginu upplifi jákvætt andrúmsloft. Að við skólann starfi hæfir fagmenn og samskipti í skólanum einkennist af virðingu og jákvæðni.	Að viðhafa samskipti sem einkennast af hugmyndafræði uppbyggingar. Að allir starfsmenn viðhafi jákvæð samskipti og leitist við að veita góða þjónustu. Að viðhafa lýðræðisleg vinnubrögð.
Samskipti nemenda og kennara.	Skólapúlsinn – nemendakönnun. Samtöl og teymisfundir.	Nemendur upplifa að flestir kennarar séu áhugasamir um að þeim líði vel, að þeir fái auka aðstoð frá kennara ef þarf og að flestir kennarar séu sanngjarnir.	Að allir nemendur finni fyrir áhuga og aðstoð kennara sinna.	Auka þekkingu, leikni og hæfni kennara í námsaðlögun og virkri hlustun.
Árangur og kennsluhættir.	Skólapúlsinn - Foreldrakönnun, starfsmannasamtöl, samskiptadagar og formlegt námsmat.	Mikill meirihluti foreldra eru ánægðir með kennslu í skólanum. Upplýsingamiðlun til foreldra er góð.	Að stefna að fullum árangri hvers nemanda út frá þörfum, þannig að allir fái nám við hæfi. Að hver nemandi sýni framfarir, skólastarf sé metnaðarfullt og nemendur fái að njóta sín í krefjandi námsumhverfi.	Mikilvægt að virkja hvern og einn nemanda og aðlaga námsefni að einstaklingum og hópum. Að nám nemenda sé uppbyggjandi og hvetjandi þannig að þrautseigja, samvirkusemi og dugnaður ásamt ánægju og gleði skili nemendum hámarks árangri, sjálfstæði og mannkostum.
Starfsánægja.	Skólapúlsinn - starfsmannakönnun, starfsmannasamtöl.	Starfsfólk finnur fyrir stuðningi stjórnenda og er ánæggt í starfi og með starfsumhverfi sitt.	Viðhalda ánægju.	Viðhalda ánægju með virku og lífandi skólastarfi og endurmenntun í takt við þarfir og óskir starfsfólks.

5.1.2 Veikleikar

Markmið og leiðir til úrbóta

Páttur	Mælikvarði	2020-2021	Viðmið	Aðgerðir 2021-2022
Námsaðlögun, mat og kennsla.	Starfsmannasamtöl, Skólapúls á liðnum vetri.	Dregið hefur úr einstaklingsmiðun og áhersla á námsmat með prófi hefur aukist. Þetta hefur þó lagast milli ára en betur má ef duga skal.	Aukin einstaklingsmiðun. Fjölbreyttari matsleiðir.	Efla þarf námsaðlögun/einstaklingsmiðun og huga að fjölbreyttari matsleiðum.
Sjálfsálit og líðan nemenda.	Skólapúlsinn - Nemendakönnun, einstaklingsviðtöl.	Sjálfsálit nemenda í Sandgerði mælist lítið eitt lægra en gerist og gengur á landinu og það sama á við um líðan.	Að allir nemendur hafi trú á sjálfum sér og hafi gott álit á sjálfum sér og geti þannig viðhaft sjálfsvirðingu.	Nýta hugmyndafræði Uppbyggingar til sjálfsskoðunnar, bætingar og sjálfspækingar. Þannig geta nemendur byggt um sjálfstraust og eflst.
Ánægja af lestri, hefur dalað á yngsta stigi.	Skólapúlsinn.	Þegar ánægja af lestri er skoðuð kemur í ljós að við höfum heldur risið en erum enn undir landsmeðaltali.	Að nemendur hafi ánægju af lestri, nái árangri og sú vinna sem lögð er áhersla á í skólastarfinu skili sér beint til nemenda.	Að endurskoðuð lestrarstefna komi til fullra framkvæmdar og vinna að 4. útgáfu sé í fullum gangi. Að auka vægi yndislesturs og viðhafa fjölbreytta kennsluhætti og vinnu með lestur, bókmenntir og sögur.
Velliðan nemenda í skóla, hefur dalað.	Skólapúls nemenda og foreldra. Samtöl við foreldra, upplýsingar af teymisfundum.	Foreldrar í Sandgerði eru ánægðir með hvernig börnum þeirra líður í skólanum. Nemendur segja	Viðhalda og efla ánægju og velliðan nemenda.	Auka enn frekar fjölbreytta vinnu með líðan nemenda. Vinna markvisst með Verkferakistu frá KVAN.

		líðan ekki eins góða og árið á undan,		
Tíðni eineltis.	Skólapúlsinn –nemenda- og foreldrakönnun.	Tíðni eineltis er komið yfir landsmeðaltal. Farið upp á við síðan í fyrra. Ánægja foreldra með hvernig skólinn hefur tekið á einelti hefur þó aukist.	Viðhalda jákvæðum samskiptum milli nemenda þannig að ekkert einelti líðist í skólanum. Almenn ánægja á að ríka hvernig unnið er með að samskiptavanda sem upp kemur.	Að virðing í samskiptum kristallist í öllu skólastarfi okkar. Vinna áfram markvisst með Skjöld og samskiptateymi. Bregðast við einstaka málum af festu og með aðstoð KVAN.
Ánægja af lestri hefur dalað milli ára.	Skólapúlsinn.	Þegar ánægja af lestri er skoðuð kemur í ljós að ánægja nemenda í 1. – 5. bekk hefur dalað.	Að nemendur hafi ánægju af lestri, nái árangri og sú vinna sem lögð er áhersla á í skólastarfinu skili sér beint til nemenda.	Að halda áfram með innleiðingu Byrjendalæsis og efla enn frekar áhuga og jákvæðni nemenda á yngri stigum til lesturs og læsi.

6 Framkvæmdaáætlun fyrir skólaárið 2021-2022

Unnið verður áfram að viðtækri öflun upplýsinga með viðtæku mati á skólastarfinu skólaárið 2021-2022 samkvæmt verkáætlun. Í kjölfar mats og útgáfu sjálfsmatsskýrslu fylgja kynningar og áætlun um framhald matsins fyrir komandi skólaár. Tryggja að könnun fari fram meðal nemenda, foreldra og starfsfólks í samvinnu við Skólapúlsinn. Sérstakri athygli verður beint að námskrá og skipulag náms (fjölbreyttir kennsluhættir og einstaklingsmiðun), þar verða stefna og markmið skoðuð, huga þarf að námsmati og námsárangri, líðan nemenda verður könnuð og unnið markvisst að aukinni vellíðan og sterkari sjálfsmynd með aðstoð Uppeldi til ábyrgðar, KVAN, námskeiði um Bekkjárfundi síðan 2020 og Hugarfrelsi. Áður taldir þættir verða skoðaðir sérstaklega ofan í kjölinn á næsta ári.

Verkætlan sjálfsmats 2021-2022

2021	Verkefni	Áætlun	Ábyrgð
Júní	Kynning á niðurstöðum foreldra- og starfsmannakannanna. Frumniðurstöður kynntar starfsmönnum.	Kynna niðurstöður og ræða þær meðal starfsmanna. Viðra hugsanlegar úrbætur og ástæðu fyrir niðurstöðum.	Skólastjórnendur.
Júní - ágúst	Sjálfsmatsskýrsla unnin og kynnt fyrir fræðsluráði. Farið vel yfir helstu niðurstöður matsins.	Farið yfir alla þætti áætlunarinnar og þeir metnir.	Skólastjóri.
Júní – október	Starfsáætlun 2021-22	Starfsáætlun unnin. Kynnt á nýju skólaári í október 2021.	Skólastjórnendur.
Ágúst - október	Upprifjun á niðurstöðum kannanna frá skólaárinu 2020-2021 og úrbótaáætlun sérstaklega kynnt og endurskoðuð með starfsfólki.	Taka fyrstu skref í úrbótaáætlun með kynningu.	Skólastjórnendur.
Ágúst – október	Kynning á sjálfsmatsskýrslu og áætlunum skólans um úrbætur og viðhald.	Hafa allt skólasamfélagið með í vinnu við úrbætur. Sérstök áhersla á foreldra.	Skólastjórnendur.
Ágúst – desember	Endurskoðun / útgáfa skólanámskrár.	Ný og endurbætt skólanámskrá skólans sem samræmist nýjum áherslum hefur verið kynnt, nú fest í sessi.	Skólastjórnendur.
September	Samskiptavika	Kynningafundir fyrir foreldra þar sem skólastarfið er kynnt og skoðanir foreldrar viðraðar. Nemendur setja sér markmið.	Kennarar og skólastjórnendur.
September	Uppgjör foreldraviðtala.	Farið yfir helstu niðurstöður foreldraviðtala á kennarafundi – áætlun um úrbætur sett fram.	Skólastjórnendur/deildarstjóri.

Júní - september	Vinnumat og vinnuskýrslur	Unnið að vinnumati í samvinnu við kennara. Vinnuskýrslur er kynntar fyrir starfsfólki og kennurum til samþykktar og undirritunar.	Skólastjóri.
September	Fjárhags- og framkvæmdaáætlun 2022.	Fjárhagsáætlun með framkvæmdaáætlun fyrir árið 2022 gefin út og kynnt. Skýrslu skilað til Suðurnesjabæjar.	Skólastjóri.
Október	Tengslakönnun lögð fyrir í öllum bekkjum og nemendaviðtöl framkvæmd.	Líðan og samskipti innan bekkja kortlögð og gripið til úrræða ef þurfa þykir.	Umsjónarkennarar, Skjöldur og Skólastjórnendur/deildarstjóri.
Desember 2021 – janúar 2022	Námsmat við annarskipti	Mat út frá hæfniviðmiðum fer fram, kennarar gefa nemendum umsögn.	Skólastjórnendur, deildarstjórar og kennarar.
Október 2021 og apríl 2022	Skólapúlsinn lagður fyrir.	Skólapúls lagður rafrænt fyrir úrtak nemenda eldri bekkja í þrígang yfir skólaárið. Skólapúls Sandgerðisskóla lagður fyrir yngri nemendur (1. – 5. bekk). Svokölluð broskallakönnun.	Aðstoðarskólastjóri.
2022			
Janúar	Samskiptavika.	Foreldrar mæta til viðtals hjá umsjónarkennara. Námsmat rætt.	Deildarstjórar og kennarar.
Febrúar - mars	Starfsmannasamtöl.	Allt starfsfólk mætir í samtali að undangengnum svarlista. Stjórnendur skipta með sér samtölum.	Skólastjórnendur.
Febrúar	Foreldra heimsóknir.	Foreldrar sérstaklega hvattir til að koma inn í skólann og fylgjast með skólastarfinu. Féll niður í fyrra vegna Covid-19.	Kennarar og deildarstjórnar.
Febrúar - mars	Kynning á niðurstöðum Skjaldar Um nýja könnun er að ræða samkvæmt eineltisáætlun	Víðtæk kynning innan skólans, til foreldra og skólamálayfirvalda.	Eineltisteymi – Kynning til fræðsluráðs á ábyrgð skólastjóra.

Maí	Talkennsla – sérfræðiaðstoð metin.	Deildarstjórar fara yfir skýrslu með talmeinafræðingi, fara yfir veturinn og leggja línur fyrir næsta vetur.	Stjórnendur/deildarstjóri stoðþjónustu.
Júní	Uppgjör sérkennslu.	Fundað með öllum þeim sem koma að sérkennslu í skólanum. Skýrslum nemenda skilað og starfið metið, áætlun fyrir næsta ár lögð fram.	Stjórnendur/deildarstjóri stoðþjónustu.
Júní	Uppgjör nýbúafraeðslu.	Fundað með öllum þeim sem koma að nýbúafraeðslu í skólanum. Skýrslum um nemendur skilað og starfið metið, áætlun fyrir næsta ár lögð fram.	Skólastjóri, deildarstjóri stoðþjónustu og verkefnisstjóri nýbúafraeðslu.
Júní	Framtíðarsýn - Fræðslu- og frístundastefna Suðurnesjabæjar	Leggja mat á það hvort að þeim markmiðum sem sett voru í nýrri Fræðslu- og frístundastefnu 2021-2026 hafi miðað í rétta átt og framhad skoðað. Formlegri sjálfsmatsskýrslu skilað.	Stjórnendur.
Júní og ágúst	Uppgjör á samstarfi leik- og grunnskóla í Sandgerði (Suðurnesjabæ). Gögn varðandi væntanlegan hóp lögð fyrir og farið yfir niðurstöður Hljómprófs.	Fundur haldinn með stjórnendum leikskóla og farið yfir samstarf og markmið vetrarins metið. Línur lagðar fyrir komandi vetur. Áætlun lögð fram. Farið yfir væntanlegan hóp nemenda í 1. bekk (2022-2023)	Aðstoðarskólastjóri og deildarstjóri stoðþjónustu.
Júní – september	Sjálfsmatsskýrsla.	Sjálfsmatsskýrsla og áætlun fyrir skólaárið 2022-2023 unnin og kynnt.	Stjórnendur – sjálfsmatsteymi.
Á tveggja vikna fresti yfir skólaárið	Nemendaverndarráðsfundir. Teymi: aðstoðarskólastjóri, deildarstjóri stoðþjónustu, skólasálfræðingur, hjúkrunarfræðingur og aðili frá félagsþjónustu.	Farið er yfir mál einstakra nemenda sem þurfa á einhvern hátt sérmeðferð, vinnslu eða úrræði. Skýrsla í formi fundargerðar liggur fyrir eftir hvern fund - Trúnaðarmál. Leiðir í sérfræðiaðstoð í sífelldri skoðun.	Skólastjórnendur og Fræðsluskrifstofa.

6.1 Árangursmiðun – Framtíðarsýn metin

Ný stefna í skólamálum; Fræðslu- og frístundastefna Suðurnesjabæjar tekur gildi haustið 2021. Eldri Framtíðarsýn/Skólustefna 2016-20 er fallin úr gildi og skapaðist gat á milli. Fara þarf vel yfir markmið næstu 5 ára og setja þau upp í takt við stefnu bæjarins í skólamálum. Hafa skal í huga áhrif Covid-19 á skólastarf síðust þrjár annir og þá óvissu sem ríkir nú.

Lestur og lesskilningur.

Vinna samkvæmt lestraráætlun Sandgerðisskóla, stefna að því að allir nemendur lesi daglega í skóla og heima. Gera framfarir enn sýnilegri, setja markmið með nemendum og forráðamönnum og efla eftirfylgd með heimalestri. Lögð sé áhersla á lesskilning, orðaforða og málskilning í öllum fögum í skólanum.

Hvernig miðar okkur áfram 2021:

Allir lesa á hverjum degi í skólanum

Stuðningur, lestrarsprettir, aukinn stuðningur frá lestrarteymi, verkefnisstjóri, sjálfboðaliðar.

Allir lesa heima á hverjum degi

Fylgt afar vel eftir!

Lestrarstefnu fylgt upp allan skóla (1. – 10 bekk)

Lestrarstefna endurskoðuð og hún kynnt fyrir öllu starfsfólki og foreldrum

Mjög öflugt lestrarteymi

Mikilvægur stuðningur

Vellíðan nemenda í skóla.

Vinna samkvæmt áætlun Hugarfrelsi, halda bekkjarfundi og halda áætlun í Uppeldi til ábyrgðar. Vinna með þarfir og líðan markvisst.

Hvernig miðar okkur áfram 2021:

Líðan nemenda er síðri - mikilvægt að rýna betur í orsakir

Meira um einelti - mikilvægt að rýna betur í orsakir

Allir halda bekkjarfundi vikulega

Unnið með þarfir og samkvæmt áætlun Uppeldi til ábyrgðar

Fylgt vel eftir af stjórnendum

Stefna og skipulag í UÁ endurskoðuð og kynnt fyrir öllu starfsfólki og foreldrum

þurfum að efla teymi UÁ

Mikilvægt að styðja betur við bekkjarvinnu

Sandgerðisskóli 2021

Hólmfríður Árnadóttir, skólastjóri

Innra mat

Hvað er það og fyrir hvern?

Innra mat samanstendur af greiningu á gögnum um og úr skólstarfi sem saman er safnað yfir veturinn ásamt faglegri ígrundun stjórnenda og starfsfólks. Þannig verður starfsfólk meðvitaðra um hversu vel tekst að ná markmiðum, fylgja Aðalnámskrá og hvaða árangur sé af starfi skólans allt með þarfir nemenda í huga. Byggt er á leiðbeiningum um innra mat grunnskóla eftir Sigríði Sigurðardóttur (2016) og unnið út frá spurningunum:

- Hversu vel stöndum við okkur?
- Hvernig vitum við það?
- Hverjir eru styrkleikar okkar og hvaða þætti þurfum við að bæta?
- Hvað þurfum við að gera til að verða enn betri?

Innra mat er sífellt endurtekið ferli sem sett er upp í 5 skref:



Kerfisbundið – markmiðabundið- samstarfsmiðað – byggt á traustum gögnum – greinandi og umbótamiðað – samofið öllu skólstarfi – opinbert